

جريدة محاكم

صالی

نومرو	رجب	سنه	مايس	سنه	صفحه
۲۰۲	۱۶	۱۳۰۰	۱۰	۱۲۹۹	۱۶۰۹

اشبو غزته بهر هفته صالی کونلری چيقار . سنه ايکي مجیدی اچه التمش غروشدر بهر نسخته سی التمش
 پاره مجیدی به اوله رق هر یرده صاتیلور . درج اولنه جق اعلاناتک بهر سطرندن ایکی غروش النور .
 سنه لکنه مشتری اولوق استیانلر عدلیه نظارت جلیله سی اوراق مدیراکنه مراجعت ایتلیدر

دخی مجلس اداره ده اجرای محاکم لری شورای
 دولتدن افاده و مجلس مخصوص و کلاجه دخی
 تصویب ایدلمش اولدیغی بیان عالیسیله اجرای
 ایجابی طرف ساهی صدارت پناهیدن باتذکره امر
 و اشعار بیورلمش و کیفیت اقتضا ایدنلره بیلدیلمش
 اولغین اولوجهله ایفای معامله به همت بیورلمسی باینده

(فی غره رجب سنه ۱۳۰۰ وفی ۲۶ نisan)
 (سنه ۹۹ تاریخی و ۶۸ نومروسی ایله داخلیه)
 (نظارت جلیله سندن شرفوارد اولان تذکره نك)
 (صورتیدر)

محلات و قرا مختاران ایله اختیار مجالسی اعضاسی
 نظاماً کندورینه مودوع وظائفک اجراسنده تکامل
 ایدرک مجازات قانونیه بی مستلزم حال و حرکتده
 بولندقلری تقدیرده محاکم لری زرده اجرا اولنوق
 اقتضا ایده جکی بعض محلدن استفسار اولنوب
 بونلرک جانب اهالیدن منتخب و طرف حکومتدن
 منصوب اوله رق اهالی ایله حکومت بیننده واسطه
 اجرات اولدقلرینه و ولایت نظامنامه سنک فصل
 مخصوصنده محرر اولان برطاقم وظائفله مکلف
 بولندقلرینه نظراً صنف مأموریندن معدود اولملری
 لازم کله جکندن و مأمورینک محاکم سی ایسه مجالس
 اداره ده رؤیت ایدلمک ایجاب اینه جکندن بو حالده
 محلات قرا مختاران ایله اختیار مجالسی اعضاسنک

(ایکیوز برنجی نومرولی جریده محاکمه مندرج)
 (اعلامک بقیه سی)

مورثلرینک و قاتندن صکره اصحاب مطلوب تجمع
 ایدرک متوفانک مال و املاک و ذماتنی یکان یکان تدقیق
 و محاسبه سی رؤیت اولنه رق یوز کسور بیک غروش
 دینی اولدیغی و بوکا مقابل دولتلو مظهر پاشا
 حضر تلی ذمتنده اولان الاجفندن بشقه سنک تحصیل
 غیر قابل بولدیغی اکلایشله رق و یوزده بکرمی بش

غروشه اصحاب مطلوب رضا کوسترک اولوجهله
التیشر ماه وعدهلی طرفلرندن سند اعطاسا قلتمش
ومؤخرأ مطلع اولدقلرینه کوره یدی بیک کسور
غروش تسلیماته الآن مقدارینه کسب معلومات
ایده مدکلری حواله مکتوبی اوزرینه ایضا اولنان
مبلغدن صکره متباقی دین قلش ایسه مقاوله یه تابع
بولنسیله برابر سکوسترونک دخی حکمسترلکی ایجاب
ایده جکندن ومومی الیهانک وکیلی بردفعه محاکمه یه
کلش اولدیغی حالده تعیین اولناز اجرت نظامنه موافق
اولدیغندن بختله اعتراض علی الحکم استدعاسنک
قبولیه محاکمه وجاهه لرینک اجراسی واجرت
مذکوره ایله فضله اولهرق اعلامه درج اولنان
مصارفک تعدیلی طلب اولمشدر

مدعی عمومی معاونلرندن راسم بک حاضر اولدیغی
حالده بوسکره معترض طرفندن بدایه محاکمه
ومخاصمه یه وتحلیفه ولدی الحواجه صلح وایراه
واعلام تبلیغنه وپروتستو کشیده سنه ومنتوقف
اولدیغی امورک کلینسه مصدق سندله سلیمان افندی
ومعترض علیها طرفندن دخی وکالت سابقه سنه
مبنی علی بک بالوکاله کلش ولدی التدقیق اعتراض
علی الحکم استدعاسی قانونه موافق اولهرق تنظیم
ایدلیکی ومدتی ظرفنده ویرلیدیکی اکلش یله رق
بالقبول معترض وکیلنک ابراز ایلدیکی فی ۱۱
تشرین ثانی سنه ۹۷ تاریخ و یوز التمش سکر
عددی اعلام غیابینک صورت مصدق سی مطالعه
قلندی مالی مومی الیها حوا خاتم وکیلی علی امضاسیله
فی ۲۲ حزیران سنه ۹۷ تاریخنده محکمه یه اعطا
قلنان عرضحال موکله سنک مورثی متوفای مومی الیهک
اموال متروکه سی موکله سیله باجحت شرعیه وصیبی

بولندیغی صغیر مخدومی آصف بکه انتقال ایش
ومتوفانک نیکدهلی متوفی پاپاس اوغلی میخالای
ذمتده فی ۲۷ اغستوس سنه ۹۲ تاریخلی سندی
موجبجه مع فائض یوزالی لیرا الهجعی اولهرق مبلغ
مذکورک تأدیسه سی رخ متوفانک اوغلری باغچه
قبوسنده ساکن لازاراکی وواسیل ایله زوجده سی
البسادبته انتقال ایلدیکی حالده اداده مخالفت
کوسترلمش اولدیغندن ناشی مدیون متوفانک شهر
امینی دولتلو مظهر پاشا حضرترنده اولان درت
بیک بشیوز غروش الهجغیله متصرف اولدیغی
نیکده قصبه سنده تیمورجیلر زاقنده بر باب دکان
وقصبه مرقومه بدستانده بر باب مغازه ودر سعادتده
جب علی اسکله سنده بر نومرولی عرصه وکوکچک
پازار جاده سنده مکتب زاقنده اون درت نومرولی
عرصه ده کی حصه سی نظامی دایره سنده تحت جزه التمش
اولدیغندن مبلغ مزبورک مع فائض و مصارف
واجرت وکالت تحصیل وجزک تصدیق استدعا قلتمش
ومدعی علیهم اوج دفعه دعوت اولدقلری حالده
کلامش اولدیغندن ومتوفانک کندوسیه صغیر مومی
الیهدن بشقه وارثی اولدیغی علم وخبرله ووصایتی
برقطعه حجت شرعیه ایله مثبت اولان حوا خاتم
طرفندن وصایت واصالتی وجهله درجات محاکمه
محاکمه ومخاصمه یه یمین تکلیفنه واخذ وقبضه وصلح
وایراه وجز اجراسنه والحاصل بوایشک متوقف
اولدیغی امورک کلینسه مآذوناً باسند مصدق علی بک
وکاله کله رک حکم غیابی طلب ایلدیکنه مبنی مدعی
عمومی معاونلرندن راسم بک حاضر اولدیغی حالده
مدعی علیه وکیل مسخر تعیین اولنان رحی افندی

مواجهه سنده دعوانک عن الغیاب رؤیتنه ابتدار
اولهرق مدعیه وکیلی عرضحالند محرر ادعاسی
تکرار وجز نامه ایله دین سندینی و برقطعه تذکره
رسمیه ابراز ایله یوزده بکرمیدن وکالت اجرتنک دخی
تحصیلنی علاوه کفتار ایشی اوزرینه مذکور سند
لدی المطالعده فی ۲۷ اغستوس سنه ۹۲ تاریخلی
ونیکدهلی پاپاس اوغلی میخالای امضاسی مشتمل
اولوب متنده یوزالی عدد یوزک عثمانلی ایراسی
قارص متصرفی سابق سلیمان رشدی بکدن عینا
اخذ واستقرض ایلدم مبلغ مذکوری میر مومی
ایله هر نه وقت طلب ایدر ایسه درحال ویره حکم
(بقیه سی صکره)

(فی ۲۰ جمادی الاولی سنه ۱۳۰۰ وفی ۱۷)
(مارت سنه ۹۹ تاریخلی و ۸ نومروسیه)
(محکمه تمیز جزا دایره سنندن ویریلان اعلامک)
(صورتیدر)

بغداد ولایتی محکمه استینافیه سنک فی ۲۰ ذی الحجه
سنه ۹۷ وفی ۱۱ تشرین ثانی سنه ۹۶ تاریخلی
وسکسان اوج نومرولی اعلامیله اوراق متفرعه سی
ولایت مشار الیها مدعی عمومیلکنندن فی ۴ محرم
سنه ۹۸ وفی ۲۲ تشرین ثانی سنه ۹۶ تاریخلی
او یوز سکسان اوج نومرولی تحریرات ایله ارسال
ووباش مدعی عمومیلک مأموریت بهیه سنندن فی ۱۱
دریج الاول سنه ۹۸ وفی ۲۹ کانون ثانی سنه ۹۶
تاریخلی وسکسان ایکی نومرولی تبلیغنامه ایله محکمه
تمیز جزا دایره سننه اعطا قلتمغله مطالعه اولندی

مذکور اعلامده ردینی عشرتتی نهب وزارت ایدن
هموند اشقیاسی افرادندن اولوق اوزره تحت توقیف
واستنطاقه النان وهیئت اتهامیه ده جنایتله اتهام
اولنان کروی عشرتدن سامی بن عبدالله نام شخصک
اجرا قلنان محاکمه علیه ده فضاحت مذکوریه
اجتساری اقراری ودلائل سائر ایله ثابت اولدیغندن
مرقومک جزا قانوننامه همایوننک التمش ایکیجی
ماده سنک قهره اخیر سنه توفیقاً بعدالتشهر اون سنه
مدتله کورکه قونلینه ومصارف محاکمه نک تحصیلنه
قرار ویریله رک تبلیغ اولدیغی کوسترلمشدر
تبلیغنامه ده دخی خصوص مذکور اصول ثبوتیه سیله
قانونه جهت تطبیق حقیقه اعتراضه محل یوغیسه ده
بو بایده تنظیم اولتمش اولان هیئت اتهامیه مضبطه
سنده اصول محاکمات جزاییه قانون موقتک ایکیوز
اون دردیجی وایکیوز اون بشیجی ماده لری احکامی
اقتضاسیجه متهمک اخذ وکرفتی حقیقه امر تحریری
ویرلیدیکنه واتهامنی استلزام ایدن فعلک تعریف
بجملیه قانوناً قنغی نوع جرایمدن معدود اولدیغنه
ومتهمک کوندرلیدیکی محکمه یه منسوب اولان
توقیفخانه به کوندرلسی امری اعطا اولدیغنه دایره
برقید وصراحت کور یله مدیکی کی اوراق دعاویدن
معدود اولان ضبطنامه ورقه سننده دخی بالدفعات
تفصیل و بیان اولدیغی اوزره قانون مذکورک
ایکیوز قرق طقوزنجی وایکیوز الی برنجی ماده لری
احکامی اجرا قلندیغی محرر اولوب قانون مذکورک
جنایانک اصول محاکماتنه دایره اولان دردیجی ومحاکمه
وحکم تنفیذ بیاننده بولنان بشیجی فصللرینک اجرا
قلندیغی درج وتحریر ایلماش اولسنه نظراً اوچیوز
النجی ماده حکمجه معاملات واقع کان لم یکن حکمنده
عد ایدلسی لازم کلوب و بوده اسباب تقضیه دن

بولنديغنه بناء مقتضای نضام سنك ايفاسی طلب اولمشدر
 تدقیقات تمیزیه اجرا اولندقدہ مر قوم سامی حقتده
 ذکر اولنان هیئت اتهامیه دن ویرلمش اولان
 مضبطه مدعی عمومیتک ادعاسی وجرمک تعریف
 بجملیله قانونک قنغی ماده سنه نظراً جنایتدن معدود
 اولدیغی تصریح قلمنامش و متهمک منسوب اولدیغی
 توفیقخانه سنه کوندرلمسی امریتک مندرج اولماسی اصول
 محاکمه جزاییه قانون موقتک ایکوز اون بشنجی
 وایکیوز اون النجی ماده لری موجبجه ذکر اولنان
 مضبطه اتهامیه تک وانی تعاقب ایدن معاملاتک
 کأن لم یکن حکمنده قلمسنی مستلزم اولدیغی کی
 ضبطنامه ده اثنای محاکمه ده جریانی مقتضی اولان
 احوال و معاملات و تحقیقاتک قانونده کوستریلان
 استنادن ماعدا مفصلاً درج و تحریری لازم کلور
 ایکن بالکن بعض مواد قانونیه احکامک اجرا قلندیغی
 کوسترلمش اولدیغی جهتله اوچوز النجی ماده
 موجبجه مذکور ضبطنامه دخی کأن لم یکن حکمنده
 بولنديغنه و محاکمه جاریه تک دخی قانون مذکورک
 جنایاتک اصول محاکمه دائر اولان دردیجی و محاکمه
 و حکم و تنفیذ پسانده بولنان بشنجی فصللرنده محرر
 اولان احکامنه توفیق ایلدیگی اعلامک صورت
 تنظیمدن اکلاشلدیغنه بناء قانون مذکورک اوچوز
 اون دردیجی ماده سنه توفیقاً ذکر اولنان اعلامک
 نقضنه و احکام قانونیه دأرهنده سنه رؤیت کیفیت
 ایدلک اوزره اوراق مرقومه تک محله اعاده سنه
 و خرج تعرفه سنک قرقنجی ماده سی موجبجه تمیز
 اعلامی خرجی اولان ایکوز غروشک اخذ و استیفا سنه
 قرار ویرلدی

(محکمه تمیز حقوق دأرهنده سندن فی ۱۴ ربیع
 الاول سنه ۱۳۰۰ وفی ۱۲ کانون ثانی سنه)
 (۹۸ تاریخیه و یوزسکسان ایکی عددیه ویریلان)
 (اعلامک صورتیدر)

ارضرومده حبیب افندی سقلا محله سنده ساکن
 لازجعفر اغا و داودک وصیسی فاطمه خانم ایله یئلرنده
 متحدت دعوییه دأر ارضروم استینافی محکمه سندن
 ویریلان فی ۶ شوال سنه ۹۸ تاریخیه اعلامک
 تمیزاً رؤیت و تدقیقی ارضرومده نازک چارسوسنده
 ساکن یانقو افندی طرفندن متفرعاً ایله برابر اعطا
 قلمنوب محکمه مذکورده ریاستندن بانحریرات
 مخصوصه محکمه تمیز حقوق دأرهنده ارسال اولنان
 عرضحالده استدعا و ارضرومده تجارندن سیونیدی
 و داماسفینوس امضاسنی فی ۲۹ اغستوس سنه
 ۹۷ تاریخیه حاوی برقطعه مصدق کفالتنامه
 اعطاسیله تأمینات لازمه ایفا قلمش و دعوت واقعه
 اوزرینه مستدعی تمیز یانقو افندی طرفندن عوادیس
 یوردامیان و مدعی علیهما جعفر اغا و وصی فاطمه
 خانم طرفلرندن دخی مغردیج اساسیان افندیلر مصدق
 سندلرله وکاله کلش اولدیغندن تعلق دعوی حسبیله
 باش مدعی عمومیلک معاوئلرندن یورغاک افندی
 حاضر اولدیغی حالده تدقیقات تمیزیه اجرا سنه ابتدار
 و اوراق لازمه وکیلان مومی الیهما مواجهه سنده
 قرآتله اولبابده اولان ادعا و افاده لری کندولرندن
 استفسار اولندی

اعلام مذکورک نتیجه مؤداسی ارضروم او واسنده
 ابرکنیس قریه سنده واقع بر باب دکرمنی متصرفلری
 علی و عاکف و اسماعیل بکرله محبو به خانم طقسان

درت سنه قریه سنده بدل معلوم مقابلنده راشد
 و سلیمان وحاجی خورشید اغارهبیع و فراغ واعظاسنی
 تقریر ایله طابو سنندی استحصالی ایچون تر به دار
 یوسف افندی بی با اعلام شرعی وکیل ایتدک لری
 حالده مسئله ماضیه غوائلک تعاقبیه ارضرومک
 تحت استیلایه کیرمسندن طولانی مهامله فراغیه تک
 قانونی دأرهنده اکیال ایدیه مامسندن مشتر یلرک
 مغدوریتی متحقق و عدلیه نظارت جلیله سنک تحریراتی
 حکمجه بو خصوصه و نائق قهر یسنه لزوم اولدیغی
 محقق بولندیغندن اولبابده کی حکم ابتدائی تک تصدیقیله
 مشترئ ثانی مر قوم یانقو افندی طرفندن مذکور
 دکرمن حقتده وقوعه کلان مداخله تک منعه مومی
 الیه یوسف افندی تک بر موجب وکالت فراغی تقریر
 و اجرا و معامله متباقیه کی اکیال ایتکه مجبور یتنه
 و دفتر خاقانی مأموریتجه مذکور دکرمنک مشترئ
 اول راشد و سلیمان وحاجی خورشید افندیلر اسملرینه
 اجرای فراغیه بولردن راشد و سلیمان افندیلر
 حصه لری تک ورثه لری نه انتقاله و مر قوم یانقو افندی تک
 اچیه کی ویردیگی کساندن استردادینه قرار
 ویرلدیکندن عبارتدر

مستدعی تمیز یانقو افندی وکیل عوادیس یوردامیان
 افندی تک اعلام مذکور علیه نه کی باشلیجه
 اعتراضاتی موکلی غیابنده طرف خصمدن محکمه
 استینافیه ده ابراز اولنان وصحت و عدم صحتی حقتده
 برمدافعه ده بولنوب بولنیه جعی موکله ارأه ایله سوال
 اولنمیان فی ۵ مایس سنه ۹۴ تاریخیه سندک مدار
 حکم انخادی و منازع فیه اولان دکرمنک معامله
 فراغیه سی اجرا قلمنامق جهتیه بیع و فروختی ناتمام
 اولهرق بونکله برابر طابو نظامنامه سنک اوچنجی
 ماده سی حکمیله محکمه تمیزک بر دعوی اخری حقتده
 ویرمش اولدیغی فی ۲۵ جمادی الاولی سنه ۹۶

تاریخی اعلامی مؤداسنه نظراً بیع و فروختی
 بوصورتله واقع اولان املاکک تقریر فراغی جائز
 دکل ایکن کرک بوجه تک و کرک اراضی قانوننامه سنک
 اوتوز النجی ماده سی حکمنه استناداً درمیان اولنان
 ادعای تک ردی و محکمه استینافیه جه محاکمه تک ختامی
 تفهیم اولندقدن صکره محکمه تجارتیه نقل مأموریت
 ایدن اعضا تک یرینه کلش اولان اعضا تک رأیله
 حکم واقعه اکثریتک وجودی خلاف اصول و قانون
 ایدر کندن بحثله اعلام معترض علیه تک نقضی طلبنی
 شاملدر

مدعی علیها جعفر اغا و داودک وصیسی فاطمه خانمک
 وکیل مغردیج اساسیان افندی تک اشبو اعتراضاته
 قارشو اتیان ایلدیگی اجو به دخی قرار تفهیم اولنزدن
 اول مدعی و مدعی علیهدن هر قنغیسی اولور ایسه
 اولسون دعوییه دأر اله ایدیه ییلدیگی اوراق
 و ادعاسنی با مذکره محکمه ریاستنه اعطا و عرض
 ایدیه بیله جکی قانوناً مصرح اولهرق فقط ختام
 محاکمه تک تفهیمندن صکره بومثللو اوراقک اعطاسی
 و ادعا و اعتراضلرک بیانی اوزرینه طرفینک تکرار
 استجوابی حقتده برصراحت قانونیه به تصادف
 اولنه مدیغی و طابو نظامنامه سنک اوچنجی ماده سیله
 اراضی قانوننامه سنک اوتوز النجی ماده لری بالکن
 اراضی حقتده مرعی الاجرا بولندیغی کی مستدعی
 تمیز وکیل جانبدن موضوع بحث اولان محکمه
 تمیز اعلامنده خرج فراغ الهمدجه اراضی و املاکک
 تقریر فراغی جائز اوله میه جعی کوسترلمس تک دخی
 آسوده بر زمانده وقوعه کلان معاملاتنه تعلق حسبیله
 ذکر اولنان دکرمنک وقت بحرانه مصادف اولان
 بیع و شراسنه قطعاً شمولی اولدیغی و ختام محاکمه تک
 تفهیمندن صکره و قرار صدورندن اول محکمه تجارتیه
 نقل مأموریت ایتش اولان اعضا تک یرینه تعیین

قلمش اولان دیگر اعضا برلکده اوله رق اوراق
دعوانک مطالعه و مصلحتک مذاکره سی ایله قرار
اعطاسنده اصول و نظامه مخالفت کور یله مدیکی
بیایله اعلام معترض علیهک تصدیق طلبنی مشتدر

بونک اوزرینه بالاده محرر و مبسوط اولان ادما
واقاده لری خارجنده بشقه برده جکری اولدیغی
وکیلان مومی الیهامدن لدی السؤال اکلشله قدن
صکره اولبالده کی افکار و مطالعاتی معاون مومی الیه
یورغاک افندیدن استفسار اولندقه مرقومان
جعفر اغا و داودک وصیه سی فاطمه خاتمک اجرای
فراغ ایچون و برمش اولدق لری استدما نامه طقسان
اوج ایلولنده علی حاله قالدیغی و استیلا دخی اول
تاریخده وقوعه ولیوب براز صکره ظهوره کلدیکی
اعلام مذکورده مندرج اولوب بوندن دخی برنجی
فراغک زمان بحرانه تصادف ایتدیکی اکلشیه
مدیغنه ومع مافیه اساس مسئله برنجی فراغک زمان
بحرانه مصادف اولوب اولدیغی ماده سندن عبارت
بولنمسیله استیلانک تاریخ و قوعی ایله املاک بیع و شرا
معاملات رسمیه سنک تعطیلی تاریخی عائد اولدیغی
دفتر خاقانی مأموریتندن سؤال و حکم و قوعات
متحققه اوزرینه بنا اولنق لازم کلور ایکن اعلام
استینافده او یولده تحقیقات وقوعنه دأرقید و اشارت
کور یله مدیکنه مبنی اعلام مذکور علیهنده کی
اعتراضاتک موافق قانون اولدیغی یولنده بیان
مطالعات ایتسی و متعاقباً امر مواجهه نک ختام
بولدیغی وکیلان مومی الیهامیه تفهیم اولمشدر

ایجابی لدی المذاکره ارضروم استیناف محکمه سنجه
منازع فیه اولان دکرمنک متصرف لری طرفندن
مقدمواقع اولش اولان بیع و فراغک ارضرومک

تحت استیلا به کردیکی زمانه تصادفی جهتیله معامله
فراغیه نک قانونی دائره سنده اکل ایلیله مامسندن
مشتر یلرک معذرتی متحقق اولمسیله عدلیه نظارت
جلیله سنک تحریراتی حکمنجه بو یلده تحریر و ثاقه
لزوم اولدیغندن مشترتی ثانی مرقوم یانقو افندی
طرفندن وقوعه کلان مداخله نک معنه و یا بعلر
وکیلنک بر موجب وکالت اعطاسنی تقریر ایله رسماً
فراغنی اجرایه مجبوریننه و مشترتی اولدن راشد
وسلیمان افندیلر حصه لری نک ورثه لری نه انتقاله
و مزبور یانقو افندیک اچیه بی و بردیکی کساندن
استردادینه حکم و اعلام اولمش و شوحاله کوره حکم
مزبور اساساً فراغک وقت استیلا به تصادفی جهتیله
مأموری حضورنده تقریر رسمیه سی اجرا قلنه مدیغی
معذرتنه بنا و استناد قلمش ایسه ده محکمه مذکورته نک
بوقولی بر ماده قانونیه به مستند اولدیغی کی مذکور
دکرمنک مأموری حضورنده فراغ رسمی به محتاج
اولان املاکدن بولنوب بولمدیغی جهتی دخی تحقیق
قلمش و بو دعوانک محاکمه سی اکل ایله مذاکره
مصلحته شروع اولنمزدن اول اعضادن برینک آخر
محکمه به نقل مأموریتله برینه کلش و مذاکره به
اشترک ایتش اولدیغی طرفین وکیللر نک بالاده مرقوم
تصادف اقا داتیله مثبت اولان اعضانک حضورنده
تکرر محاکمه ایدلدیکندن و خصوصیه مرقومان
لاز جعفر و داودک وصیه سی فاطمه خاتمک وکیللری
اخیراً محکمه استینافیه به اعطا قلندیغی اعلام
مذکورده کوستریلان و حکم واقعک مستنداتندن
بولنان فی ۵ مایس سنه ۹۴ تاریخلی سند مرقوم
یانقو افندی به ارئه و بوندن طولانی بر محاکمه اجرا
اولندقدن صکره ایشه قرار و برلک لازم کلور ایکن
ذکر اولنان یکی اعضانک حضورنده محاکمه تجدید
و تکرر اولنمسنین و بموجب عته اولان سند مرقوم

یانقو افندی به ارئه و بونک حقنده برمدافعه سی
استیصال ایله صحت و عدم صحتی تبیین ایتکسنین
مذاکره مصلحت و مذکور سنده دخی استناد ایله حکم
اقرار لاحق اولمش و شو احوال ایسه بالوجوه
مخالف اصول و قانون بولمش اولدیغنه و مستدعی
مرقوم یانقو افندی وکیلنک بو یلده کی اعتراضی
وارد و مصیب اولغله برابر معاون مومی الیه یورغاک
افندیک نتیجه مطالعه سیده موافق نفس الامر
کورندیکنه مبنی اصول محاکمه حقوقیه قانون
موقتک ایکوز اوتوز ایکنجی ماده سی موجبجه
اعلام مذکورک نقضیه دعوانک اصول محاکمه به
وا حکام قانونیه به توفیقاً رؤیت و یکیدن اعلامه
ربط اولنق اوزره مذکور ارضروم استیناف محکمه سنه
اماده سنه و اعلام خرجی اولان ایکوز غروشله
صورت و تبلیغ خرج لری بولنان سکسان غروشک
ز برده مفرداتی مرقوم اوچوز اللی غروش مصارف
محاکمه ایله برابر ایلروده حقسز حقیقه جق طرفه رجوع
ایتمک اوزره اول امرده مستدعی مرقوم یانقو افندی
اخذینه فی ۱۰ ذی القعده سنه ۹۹ تاریخنده متفقاً
قرار و بر یلرک طرفین وکیللرینه تفهیم اولندی

اعلانات

طقسان سکز سنه سی اغسستوسنک سکزنجی بازار
ایرتسی کیجه سی ساعت اوچ بیچق راده لرنده بک
اوغلنده بوغاز کسانده طبابعه قورشونیه جرح
اولندرق متأثراً وفات ایدن ارنبود عبداللهک کیفیت
جرح وقتلندن طولانی مظنون علیه اولوب فرارده
بولنان اشقودره ولایتی داخلنده پودغریجه قریه سی
اهالیسندن اورته بویلی قره کوزلی چاتق قاشلی

اورته بون و اغزلی یورلق چکه لی ضعیفجه علی نام
کسنه نک من غیر تعمد فعل جرح و قتلی ایقاع ایلدیکی
اوراق تحقیقیه مألرندن اکلشلس و حرکت واقعه سی
جزا قانوننامه همایونک یوزیتش دردنجی ماده سنک
فقره اولاسی حکمنی مستلزم بولنان افعال جنایه دن
اولوب در سعادت محکمه استینافیه سی جنایت قسمنده
غیباً محاکمه سی اجرا اولنق اوزره جنسایتله اتهامه
قرار و برلش اولدیغندن فراری مرقوم هر زرده
کور یلور ایسه اخذ و گرفت اولنرق محکمه مذکورده
حبس خانه سنه تسلیمی لازم کله جکی بالجمله ضابطه
عدلیه مأمورلرینک معلومی اولنق اوزره اشبو اخذ
و گرفت امری هیئت اتهامیه دن و بریلان مذکره
اوزرینه اعلان اولنور

فی ۷ رجب سنه ۱۳۰۰ و فی ۲ مایس سنه ۹۹

طاوله جوارنده حاجی احمد محله سنده چو بلک باشی
نام محله ایکی نومرولی خانه ده قلب مجیدی و فرائق
وشیلن اعمال ایتلرندن طولانی مظنون علیه اولوب
فرارده بولنان اورته بویلی شیشمانجه صاری بیقلی
مائی کوزلی قرال صاچلی بیاض بکزی اوتوز یاشنده
اطه لینگ اوغلی یانقو ایله رفیق اوزون بویلی الا
کوزلی قره صاچ و بیقلی بیاض بکزی قرق بش یاشنده
شیره لی و اصولک الده بولنان رفناسیه به برابر فعل
مذکورده جرأت لری اوراق تحقیقیه مألرندن اکلشلس
و حرکت واقعه لری قانون جزانک یوز قرق اوچنجی
ماده سی حکمنی مستلزم افعال جنایه دن اولوب
در سعادت محکمه استینافیه سی جنایت قسمنده غیباً
محاکمه لری اجرا اولنق اوزره جنسایتله اتهامیه قرار
و برلش اولدیغندن فراری مرقومان هر زرده

کوریلور ایسه اخذ و گرفت اولنهرق محکمه مذکوره حبسخانه سنه تسلیم لری لازم کله جکی بالجمله ضابطه عدلیه مأمور لرینک معلومی اولق اوزره اشبو اخذ و گرفت امری هیئت اتهامیه دن ویریلان مذکره اوزرینه اعلان اولنور
فی ۲ رجب سنه ۱۳۰۰ و فی ۲۷ نisan سنه ۹۹

پولیس چاوش لرندن جمال افندی به درت عدد سیم مجیدی رشوت و یردیکی ادعا اولنسنندن طولایی مظنون علیه اولوب فراده اولدیغی جهتله هیئت اتهامیه دن غیباً جنایتله اتهام اولنان اوزون بویلی چچیک بوزیغی و قرال بیقلی ایران دولتی تبعه سنندن تنباکوجی حیدر بن حسن نام شخص الان اله پکوریله مدیکندن اصول محاکات جزاییه قانون موقتک اوچیوز تیش برتجی ماده سی احکامنه توفیقاً قانونه اطاعتله محکمه به کلمک اوزره اشبو تاریخدن اعتباراً جانب ریاستدن فراری مرقومه اون کون مهل و یرلمش اولغله مدت مذکوره ظرفنده محکمه به کلدیکی حالده قانونه اطاعت ایتماش نظر یله باقیله رق محاکمه غیبیه سی بالاجرا حقوق مدینه دن اسقاط اولنجهغی مثللو اموالی دخی جز ایدیله جکی و بو ائنده برکونه اقامه دعوا به حق اوله میه جغی و مرقومک بولندیغی محلی بیلنلر خبر و یرمکه و بالجمله ضابطه عدلیه مأمور لری دخی مرقومی اخذ و گرفت ایتمکه مجبور اولدقلر و فراری مرقوم حقنده اخذ و گرفت امری اعطا قلمش اولدیغی اعلان اولنور
فی ۲۷ نisan سنه ۹۹

قفسجی و یسل اغانک در سعادت بدایت محکمه سی ایکنجی حقوق داره سنندن اعطا قلنان فی ۱۷ تشرین ثانی سنه ۹۸ تاریخ و ۴۷۷ نومرولی اعلام موجبجه تلغرافی و پوسته نظارت علیه سنه دینی بولسان مبالغ معلومه نک تسویه سی ضمنده مدیون مرقومک متصرف اولدیغی قوسقه دره معمار کمال الدین محله سنده زنجیرلی قیو زقاقنده کائن بر طرفی مرقومک درت نومرولی خانه سی دیکر طرفی قصاب حافظ مصطفی افندی مشترک لرینک التمش التی نومرولی دکانی ارقه طرفی مذکور خانه نک باغچه سی اوی زنجیرلی قیو زقاقیله محدود تخمیناً اوتوز التی ذراع اون پرمق مقداری عرصه اوزرینه مینی ایکی نومرو ایله مرقومک بر باب قفسجی دکانک تاریخ اعلاندن اعتباراً اون بش کون صکره بالمزایده فروخته تثبیت اولنجهغی در سعادت بدایت محکمه سی اجراء اوره سنندن اعلان اولنور

فی ۱۱ نisan سنه ۹۹

اطه لر قائم مقامی سعادتلو مصطفی بکک قرتال بدایت محکمه سنندن اعطا قلنان اعلام موجبجه فریقان کرامدن متقاعد سعادتلو خورشید پاشایه دینی بولنان مبالغ معلومه نک تسویه سی ضمنده مدیون میر مومی الیهک قرتال قضا سنه تابع صوغانلق قریه سنده کائن مع کوشک برقطعه باغنک تاریخ اعلاندن اعتباراً اون بش کون صکره بالمزایده فروخته تثبیت اولنجهغی قرتال بدایت محکمه سی اجراء اوره سنندن اعلان اولنور
فی ۲۷ سنه نisan ۹۹